



嘉慶二十五年夏四月

雲南唱和編

吳興孝義里陳氏雕

雲南倡和編卷一

十臺懷古詩并敘

元人十臺懷古詩傳者吳正傳岑靜能兩家而已鄉前輩董
訥夫文學熈南谷孝廉浩嚴海珊明府遂成寓公餘姚謝散
木布衣洲皆有追和之作彪炳藝林同時和者復不一家惜
今漸散軼矣朋輩心竊儀之各抒論古之見共和若干章攷
史家以明治亂徵地志以紀廢興雖不敢矜語德音希風作
者亦聊以佩大毛公升高能賦之箴云嘉慶十有九年二月
十四日鐵筭温日鑑記

章華臺

陳鑿

熊虔竊位肘加壁驕侈不安句亶國區區呼天倘畀余朝貢

借來會玉帛三休始落誇雄圖氣壓齊魯吞越吳駮駮半凌
楚雲碧壯觀東南今古無申氏蒼黃付尺組哀哉高臺非故
土訾梁魂斷不歸來悽絕空宮細腰舞

王直淵

楚王求鼎誇豪雄築臺截冀凌雲中翠被玉鞭蹋雪出九州
牧伯欽英風執戈者前禍已伏肆詬投龜無厭足一朝被辱
走乾谿漠漠渚宮芳芷綠瑤墀蘭殿蔽輕塵瀟碧湘煙歲歲
新可憐枕股荒山裏空有雙蛾殉葬人

溫日鑑

一國兩君斷王旌章華執人更逆櫻舍罪戲言盜有寵楚靈
大度莫與京何期款語乾谿雪求鼎求田肆雄傑故臣相遇
棘園歸能誦祈招空諫說夷陵一炬憶繁華層構已圯埋驚

沙細腰舞罷賸萋柳長鬣筵虛凝土筇

陳經

圮城塗金牆被縞楚圍壘土恣凌暴崇飾肯傾一國珍落成
却吝大屈好無端枕塊困驕淫幾曾利刃斬雄心瓊礪珠題
盡零落空餘改葬申氏琴沙市監利兩遺址投車慨息悔經
始試望荆門郢樹間誰見復陶重曳履

姑蘇臺

陳鑾

館娃宮畔峙胥臺昔日君王游宴來丹梯累級三百尺繡檻
珠簾天際開夷光承寵嬌眉嫵揚袂飄飄誇妙舞響屨朝看
軋鳳箏采香暮聽撾鼉鼓臺前江月落金盆夜半甲楯來東
門可憐故礎紅心草蝴蝶雙棲斂艷魂

王直淵

父仇出入呼聲高夫椒報越真人豪曷為舍之自貽患胥臺
鹿豕來游遨句踐幾遭前馬辱咄爾沼吳安足錄何如羞到
甬句東社稷偕亡肯臣僕一興一廢二十年轉瞬春申唱凱
旋梧宮秋老蠡城塌兩兩鷓鴣啼晚煙

温日鑑

闔閭創伯通華夏營臺傾國侈游冶茂苑聲流脆管圓具區
影落銀燈炆夫椒既報就李讎嗣王行樂恣淹留臺上方酣
柘枝舞國中已唱梧宮秋驚傳笠澤偏師擣古甃荒寒縈蔓
草何如越貢卻蛾眉長保吳封留蟹稻

陳經

香水谿繞百花洲吳宮正對谿水流靈巖更起臺百尺高架
玉宇兼瓊樓梧桐夢破忘可道歡樂那知宵復旦只憂越女
捧心顰未省楚人抉目看湛盧去國伯業徂麋城鶴市長青
蕪年年風雨荒基畔過客愁聞曉夜烏

朝陽臺

陳鑾

瑤姬曳霧來雲陽皎若明月舒其光渚宮西去巴江綠水聲
猶似哀襄王湫風淒雨魂飄蕩晡夕荒臺空想像巫山十二
總杳冥宋玉微詞豈嗟賞行雲夜遇果為誰一夢千秋不復
追芎萸桂竹今蕪沒極目楚天暖嘯悲

王直淵

崇臺縹緲巫峰巔驚魂尋夢風颺然翠柏喬松入霄漢靈芝
仙草殊便娟澹妝初沐芳蘭澤綵繚花席步空碧巴雲蜀雨

雲南信和錄卷一
已遙通哀媛嗚處丁香坼騷詞寄託本荒唐斬石疏波不可
方行人怙惆華容道古木蒼煙楚塞長

温曰鑑

樂府誰唱巫山高丹楓碧樹哀媛號主君感遇總荒忽侍臣
託諷同離騷朝陽縹緲不可即夢去瑤姬見顏色雲如環佩
月如襟漫憑青鳥傳消息今古詞人競賦詩宋家微詠有誰
知試尋楚塞遺臺路紅濕椒花墮一枝

陳經

楚山窈窕連天起中有神娥蕙花裏君王一夕夢行雲滿院
錦衾冷如水金支翠羽墮杳冥紅蘭白露淒芳馨六宮細腰
莫相妒不見騷客歌湘靈詞臣賦手本善幻爲感王心致譎
諫臺空暮雨下夔巫悵望汀沙落孤雁

黃金臺

陳鑿

督亢累土高插天誓雪大耻招羣賢卑躬厚幣禮優異四國
才俊爭趨燕千金市駿始自隗假節樂生爲上宰元英大呂
歷室鼎收取臨淄到東海君臣意氣何壯哉薊門從此伯圖
開丹也繼之卒滅國蕭蕭易水歌聲哀

王直淵

燕昭發憤恢故寓詘指郭生選良輔黃金貯臺不自樂但竢
賢才輟歌舞四國大舉策甚良望諸獨步開齊疆椎牛誓衆
自濟上堅城七十皆傾亡易水風淒薊門夕臺荒事去寒煙
積由來豪傑貨可招牖下書生徒歎息

温曰鑑

金臺莽蒼寒雲平易水嗚咽無新聲燕昭伯業已千載黃金
價重士價輕西去咸陽東碣石說客縱橫三寸舌昌國庶幾
王者師寶氣何嘗輕一擲千秋駿骨埋蒿萊賓門翹館爲誰
開敢請招賢自隗始由來只數樂生才

陳經

君臣相遇如魚水燕蜀齊稱洵趾美千秋流涕樂生書不道
後王信讒毀當年始築招賢臺報怨雪恥屯雲雷豈惜黃金
買駿骨坐見白屋馳英才伯圖已歇夷元社土阜歸然斜日
下薊門車馬士如林誰是名儕辛衍者

戲馬臺

陳鑾

鴻門飲罷憶西楚衣繡歸來氣如虎回思按轡入關中蹴蹋
萬里長風舉四顧無敵揚玉鞭騰驤磊落超雲煙亞父去矣
龍且敗騅不逝兮肯乞憐潰圍斬將神猶旺一朝不忍天下
喪臺前楚水寫歌聲搏土憤王尚惆悵

王直淵

彭城臺聳與雲接重瞳戲馬風獵獵紅旗半捲從西來萬里
驍騰金蹠躩鴻溝既割決雌雄惜哉失計分關中二十八騎
誓三勝按轡不渡羞江東名姬烈殉名騅訣餘騎紛蹂爭擘
裂汴泗東流欲下遲當時流盡英雄血

溫曰鑑

雲龍山繞彭城郭西楚雄風久寥落當年衣錦歸故都萬騎
齊擁神騅躍霜蹠西向馳長楸縱轡一蹴升高丘重瞳自詡
空羣者鞭箠十四東諸侯臨江不渡船空檣嗚呼駿馬長已

矣蒼然平楚竦危臺苦憶談遷書項紀

陳經

重瞳奮怒入關中雅愛名馬真英雄據鞍蹀躞號無敵歸擁
萬騎來江東興酣縱轡上嵒嶮千里龍媒汗流血指揮塞翟
供鞭箠四顧中原已分裂十丈黃樓五丈旗危臺遙對鏤金
楣更憐九日登臨會伐荻竒奴亦可兒

歌風臺

陳鑾

龍拏虎擲赤帝子破楚功成歸故里酒酣擊筑歌大風白雲
黃童襍悲喜虞兮人彘皆楚聲昭靈幸不分杯羹春宮羽翼
駭黃綺猛士殖醢思韓彭中原得鹿息征戰風起雲揚值龍
變漢家湯沐賸危臺萬歲千秋魂魄戀

王直淵

淮南擊破布走外過沛驩留和歌起環臺擊筑沛中兒魂魄
猶思湯沐里自昔游子悲故鄉酒酣起舞泣數行低顏隆準
一慷慨白日慘澹雲飛揚荒臺落葉歌聲闕回首英雄不堪
說韓彭猛士未足哀天性忍使分羹絕

溫曰鑑

韓彭既戮猛士空他日歸來臨沛宮世無亭長作天子歡拜
父老驚兒童而翁若翁苦囚虜垂暮英雄戀兒女笑談俎上
分杯羹忼慨歌中泣楚舞滔滔泗繞臺流劉項伯氣奠此
州劇憐明祖起濠毫呼季我友君知不

陳經

芒碭雲瑞五采文摧秦感項成王勲還鄉不誇錦衣貴猶是

亭長召故人
浹旬樂飲湯沐邑
忼慨悲歌還下泣
臺上歌聲
襍筑聲
楚天慘澹風吹急
遐思猛士從龍興
烏盡弓藏已莫
懲西望漢京應失笑
夕陽秋草滿長陵

望思臺

陳鑾

巫蠱治獄紛羅織
作臺識恨湖城側
武皇天性本孝慈
誰道一朝信讒慝
黃門御史總孔壬
盜兵廢庫非素心
訟章雖有壺關茂
少悟未赦銜冤深
戾園寂寞泉鳩遠
族充斬文嗟已晚
望思不異望仙來
他日但見黃犢返

王直淵

剖桐殞土起禍亂
封禪儀成望目斷
他年誰乘黃犢車
高廟神靈應悼歎
嗟爾趙虜生怨誹
屈釐申討憑天威
盜兵矯節特笞罪
博望園荒賓客稀
老去雄心皆耗矣
營臺徒泣泉鳩里
上林僵柳爲鳴冤
葉葉蟲書立病已

溫曰鑑

帛書飯牛少翁贖祠禱
紛綸志封禪
淫刑暴斂更窮兵
禍釀泉鳩那可逭
巫蠱獄成國本搖
茂陵亦受讒
人要通靈復招鉤
弋冤祇戒母后休
臨朝忠諫富民及
三老戾園孫枝得
永保望思枉築高入
雲與悔輪臺惜不早

陳經

茂陵老作秋風客
內苑桐人苦搜索
捕充焚巫走犢車
覆盎門前去無迹
兵禍先見蚩尤旗
朔方上谷苦崩離
青宮終始早胎此
晚悔臺成空望思
題侯富昌刊侯壽
封爵纍纍信非貿
置園奉邑湖閩鄉
求不效藥亦無救

銅爵臺

陳鑾

炎靈劔璽移姦雄銅爵層構營鄴宮狐媚竊國脅孤寡禍詒
六代受禪同遺令分香悽總帳月朝十五徒愁望墓門不署
漢征西何用官綬別為藏圖識更傳典午文三臺冷落舊餘
曠空留疑冢七十二鼓吹西陵那得聞

王直淵

當塗運去冰井凋鄴下宮花共寂寥總帷晝暖井榦冷婕妤
歌吹空莫朝三臺案行虛薦席銅雀高飛金鳳息分香賣履
寫平生扶鼎恢炎誰粉飾當年橫槊逞英姿一霎權歸司馬
兒千秋穢蹟應難洗漳水東流無盡時

温曰鑑

世稱大兒孔文舉亦曰小兒楊德祖老瞞沉吟直為君對酒
當歌自傾吐雄才好色本天真妙伎分香空下陳錦衣不見
二喬侍那有銅鋪鎖阿甄何年蒸土臨漳上碧瓦參差舊宮
樣總帳猶餘帳構銅留伴金仙閱興喪

陳經

昔聞太沖賦魏都不異建章畫地圖朱薨遺蹟尚凌漢腸斷
佳人酒一壺誰去西陵披馬鬣秋容千里迷雙睫漳水長流
月半輪當時曾照分香妾亂世姦雄空自強驕心妄欲駕高
光惟留片瓦供塗寫點竄陳裴史筆荒

鳳皇臺

陳鑾

桃葉歌終伯業銷高臺百尺尚凌霄鳳皇一去不再集金粉

叢殘話六朝檻前江水幾潮汐天外三山倚空碧烏衣巷冷
燕語稀白鷺洲荒楓葉赤登高作賦九能先賜錦風流數謫
仙吳宮花草陳宮井紅墮香愁年復年

王直淵

元嘉始盛臺初起鳳鳥適來以鳥紀卯金運盡鳳已遙檻礎
崩剝苔花紫謫仙詞賦凌九霄騎鯨一去不可招丹楓古岸
莽蕭瑟哽咽江聲悲六朝晉闕梁宮芳草碧雀航何處尋餘
跡故國羸籥杳莫聞浮雲終古連天白

溫曰鑑

雄心安欲封狼胥燕巢林木青豫虛豈有鳳皇覽輝下築臺
憶自元嘉初春江花月經幾度往事南朝隨水去謾吟謝朓
驚人詩誰識謫仙舊題處樂游小苑總荒涼瑤殿蘭池付夕

陽空令瘦沈志符瑞雨華一霎悲齊梁

陳經

大江東向金陵走虎踞石城龍蟠阜鳳臺屹峙形執雄宋室
山河一回首鳳來臺起誇貞符鳳去臺荒王業徂有兇斫頭
亦不免徵祥集瑞何其誣杏花邨畔探勝概古寺南唐閱興
廢客來試問六朝僧曾見瓦官金粟在

凌歊臺

陳鑾

射蛇孫子志滿溢故宅農器供笑唾方當六州彫敝餘胡乃
屬車輕四出金錐鑿土浮止山錦宮繡室非人間青蛾執藥
三千指紅粉開匳四百鬟緩歌慢舞酣未極高臺已傾王迹
熄湘雲巴雪弔南朝鴛瓦飄零土花蝕

王直淵

零陵進藥滋姦慝三逆立誅兇復賊渠大臚鼻何不臚大明
建號空緣飾凌歊別有綺筵陳紅粉歌殘桃李春厚葬鑿岡
壞家法萬鎧麻拂生埃塵南朝閏統祚都短矧此淫荒更沈
酒只餘足帛繞叢花遺構頽然橫翠巘

溫曰鑑

投袂特起誅元兇臨機勇決非凡庸胡為即阼變昏德荒淫
乃鄙田舍翁西巡宿頓崇臺上粉黛三千供綵仗舞曠斜飄
霞綺明歌聲高夏雲霄響君臣狎宴樂未央彈指玉燭淪無
光尚留白紵青山在回眺古意凌蒼茫

陳經

樗蒲百萬只一擲土錦木繒更不惜時巡姑孰營離宮特起
瓊臺峻千尺侍臣歡宴襍狎嘲紅妝繞坐皆姪媼清暑林光
輟歌舞裁看白紵圍旂旛寄奴豈與豪奢近丁卯詩人休誤
認彼哉孝武類桓靈儉德不聰乃祖訓

棲賢探梅

陳鑾

梅花我素交經歲隔空谷春痕破臘來疏蕊媚幽獨西崦梅
所都天公賜湯沐招邀赴佳興輯權檇平麓遠近接花村十
步一畫幅不知墮香海但覺飽饞目長林蔭古松幾樹閒修
竹翠羽忽翻飛白雲滂茅屋時見晴雪中遙峰點蛾綠願作
賈胡留須就山家宿

王直淵

溪風吹我夢醒憶梅花莊瘦條坼嫩萼遠送林間香拏舟歷

崦西登陟杖藜牀紅情見窈窕綠態娛清揚薄寒沁心骨詩
思墮微茫叢竹穿澗泉依倚斟流觴仲姬曠世才梅花出世
妝棲賢命山名華與人同芳平生慕清冷牽挽苦未遑片時
藉薰習塵緣已坐忘

温曰鑑

出郭見山靜明探塵慮遣况有梅華緣不辭雙足繭數里入
谿口佳境隨步展白雲滿空谷殘雪明絕巘冲眇嵐氣圍淙
潺澗流淺一曲一華林峯回忽曠衍等下傳酒籌絲枝索笑
撚冷香撲醉容臥石藉蒼鮮日落衆壑陰幽禽喚客返明歲
約重來茲盟庶能踐

陳經

憶昔看花游西溪屢喚渡春波始綠時振舸重沿溯繁香壓
低蓬已覺愜心素入山迷遠近窈窕香篆路花氣隔峯雲嵐
光都在樹高下裹林岫一白斂霏霧翠禽時驚唬尋聲不知
處乘興倒金尊逢花且覓句此花無俗態不著纖塵汚莫教
惜落英再向花間步

補宋吳贊府齋居十詠并叙

和吳贊府齋居十詠一云東陽十題互見楊仲宏薩天錫兩
集中吳名思齊字子善號全歸子宋末處之麗水人咸淳中
以任子仕入元避地相廬與謝皋羽方韶卿友善十詠皆取
叢殘之物以寓其身世之感殆如自述所云畸窮孤危如鼎
一足者攷楊薩年輩後先不相接必其追和之作稱贊府書
故官也稱東陽志舊居也暇日讀宋遺民錄惜元詩失傳約
為補作余輩生際 雍熙之世優游里社朋好追歡雨笠宵

鐙跌宕文史與全歸子時遇大不侔矣縱工擬議安能曲傳
矢詩之惜邪補之者非希其音特嘉其節也二自主人陳經
焦桐

陳鑾

信識琴材好方從爨下來千秋心賞蔡百衲手成雷撫軫傳
於忽全身出劫灰蕭然松石意斷尾不須哀

王直淵

寂寞中郎後知音尚未稀爨餘商設軫斲罷定安徽協律心
都練尋聲妙入微柯亭椽竹笛淪棄悟前非

温日鑑

客有秋聲號疑來七者寮徵才元自嶧問氏復同焦真得無
弦趣何須去軫調餘音留太古撫節響蕭寥

陳經

入爨枯桐美何煩冒雪尋斲成須妙手特賞在虚心拉襍殘
形操蕭寥秃尾唸龍門嗟百尺幾許遇知音

蝨簡

陳鑾

汗青零落盡未豫羽陵防脉望頻孳種芸臺已散香渾疑成
曳白不減妄雌黃飽爾非無故長恩祀久荒

王直淵

開函驅脉望插架少香芸忽破鴻荒畫都成鳥跡文校雙應
有待裝潢敢辭勤更暴叢殘卷朝曦與夕曛

温日鑑

孔堂搜漢籍汲竹脫秦灰久得香芸助偏遭粉蛀災昭融劉

蛻冢莽蒼野王堆校補殊非易誰為雄向才

陳經

鑿楹藏弃久展袂失蟬魚細別投竝架旋修鎮庫書摧殘同
五厄編校副三餘差喜油拳近傳鈔紙可儲

破硯

陳鑾

共惜如珪質松棱已半虧尚堪親虎僕曾不費隄糜守缺成
知己求全欲問誰葫蘆陶學士底事碎丸持

王直淵

古亦珍銅爵何嘗得瓦全破觚遺米史缺月補高箋無復求
完璞猶堪守故氈筆耕兼墨稼未等石為田

温曰鑑

片壁何年碎翻成耐久朋猶堪研歲月詎厭毀松棱鸚鵡青
偏潤蟾蜍淚不勝陶泓雖免爵濡筆或雲烝

陳經

新銜殘即墨舊號小金城四角松棱墮中央壁水傾磷緇雖
不免文字且尋盟莫仿元賓瘞終將守缺名

殘畫

陳鑾

豈真馬家筆一角賸依稀妙欲通靈去神空歷劫微江山半
壁在金粉六朝非不盡雲煙恨還同舊繡衣

王直淵

何代丹青蹟餘縑發古香虛無金粟影零亂玉池衰謝品空
存錄桓厨幸未亡曹吳詔半燈竊比十三行

温曰鑑

飄零丹粉暗斷絹裹湘簾錦贖金題圻天吳紫鳳兼已除塵
網綴未許采豪添一角餘紅沫前朝故印鈐

陳經

賸水殘山蹟零練斷粉留記從稽古殿流轉貫虹舟慘澹生
球路摩挲上玉鈎李丹如可作闌道好重修

舊劍

陳鑿

無限英雄概多歸三尺中摩挲懷舊主流落歎良工燕市悲
歌氣秦關上首功一朝慙鏞澀聊樂太平風

王直淵

尚有干霄氣腰間蝕血痕幾人圖雪恥何處論酬恩脫匣青

虹斷揮空白日昏無端伴書客風雨閉重門

温曰鑑

挂壁寒光射無人更按鐔煙塵憑電掣風雨應龍吟薛燭千
秋眼荆軻一片心平生曾學此壯氣溢冑襟

陳經

不作鉛刀割如新淬刃鋸深韜龍虎氣上燭日星光生歿仍
堪託恩讐耐可忘華陰空拭土何處覓雷張

塵鏡

陳鑿

一片瑤臺月浮雲翳莫收合歡常黯黯聽語任悠悠白髮休
悲老紅顏反解愁誰言棄無用且以蓋卮留

王直淵

壽光空錫號啟匣久塵封不潔人難鑿無明物豈容香臺虛
鶴舞錦檻笑等禮三寶雖亡一爲儀敢弗恭

温曰鑑

朗朗空明鑑昏昏染垢全無緣形贈影不使醜憎妍引之力
生鏽分之佩欲捐若逢徐孺子依舊照光圓

陳經

玉匣封蛤粉銀帶網蛛絲不道餘光晦都嫌屢照疲辨銘分
背面鑿物混妍蚩安得金膏洗依然萬象隨

廢藥

陳鑿

昔作中宵伴窓隅得靜便今成零雨別牆角久淪捐秋卷温
如昨寒帷夢未緣此情一追憶辛苦感當年

王直淵

畫戟清香地繇紅蠟漸銷破窓風雨夜冷翠炬頻挑喧寂皆
光彩炎涼歷久要一朝成棄擲那更侍中宵

温曰鑑

廢置今何道空存雁足長秋窓黃嬾味雨枕黑甜鄉紈扇嗟
同棄荆簪忍故忘涼宵思舊事客鬢已蒼蒼

陳經

巧製銅荷鏤牆陰蔓綠苔淒涼螢火近黯黶粉蛾來黃卷曾
相伴青藜幾度陪劬書追往者昔昔翦香煤

敗裘

陳鑿

挈領翩然振毳毳落毳多卅年誠儉矣十說奈貧何嶺月窺

樵擔江雲擁釣簑五陵空想象意氣漸消磨

王直淵

已作鷄衣歎休吟豹裘詩千金曾問直五絨忽分離夢戀添
衾覆貧忘付酒資少陵嗟掩脰冰雪冷侵帷

温曰鑑

翠被遺空鞞蒙戎等不毛儘娛東郭士失笑五陵豪輒遜吳
縣美寒欺朔雪高花時渾不藉脫卻賞村醪

陳經

狐旃渾無辨危涼豈可縫一寒憐百結卅載禦三冬貧負相
如賞歸慙季子容緼袍甘不恥翻笑羨王恭

斷碑

陳鑾

濡紙文先脫氈捶訝失神綠苔痕不化翠墨拓難勻豈是經
圖乙誰能辨受辛巾箱猶可寶贏得錦裯新

王直淵

夙嫺歐趙錄古刻歎淪淹氈蠟如能壽叢殘定不嫌細箋神
識關頗攷華陽潛拾取奇零字裱成百衲兼

温曰鑑

獵碣蒼姬寶山家掘曰蝨金泥銷漢刻棗木失秦蹤缺補雙
鉤澹殘嫌匱紙鬆蘭亭分二石劔合漫相逢

陳經

貞珉有時泐秦漢半銷磨豈獨工書少由來沒字多梅花傳
楔帖齏臼記曹娥翠墨留殘本臨撫審磔波

臥鐘

陳鑿

有追難待叩偃臥寂無聲久絕旋蟲迹虛留桐廬名旅愁何處遣曉夢莫頻驚他日葭灰動還當應律鳴

王直淵

脫然離獸虞宗宗土花埋想像蒲牢吼虛無野雉啣華鱸空蝕蟲纒銑漫盤蝸誰負州鳩識何知律呂乖

溫曰鑑

鞞鞞凌波徹縱橫法地形兩樂金水白九耳錦苔青側弁方縣簾虛中待叩筵何由發深省寂寞曉鐙熒

陳經

鏤虎閒庭臥銅蟲故府縣高秋霜自降午夜梵誰傳猛虞頻傾折旋蟲亦播遷劇推彝器古摹款論編年

雲南倡和編卷一

雲南倡和編卷二

玉湖治春詞

陳鑾

風俗家家具畫船盪湖都趁賣錫天谿山到處淹留好莫任

桃根打槳還姜白石云吳都賦戶藏煙浦家具畫船惟吳興為然春游之盛西湖未能過也桃根打槳即其

琵琶仙詞語

生小吳儂住水涯西崦山翠學修眉憑誰呼管君休笑韻事

猶傳倒好嬉西吳枝乘云吳興里語呼誰為管管夫人棲賢山人倒好嬉見水東日記

盈盈剡鞵蹋陽春行過紅橋不染塵女伴相逢齊小立眾中

難認墜釵人

水嬉回首足清游惆悵芳時不少留今日風光依舊在杜郎

重到摠添愁

王直淵

東君花信已頻催記得風幡手自裁無賴韶光纔過半采蘋

橋畔討春來采蘋橋見
研北襟志

正路桃開近禁煙惜春人鬪辟寒鈿玉湖一碧明於鏡偷照

紅妝分外妍

曾詠兜孃雙髻鴉沙棠小艇載琵琶笑他安陸張三影不見

當筵解語花唐李涉贈吳興夜宋態詩
有解語花枝在眼前之句

歸夢柯亭與戴園鑑湖春老柳花翻越州未讓湖州好無那

題詩戴剡源行偏江南佳麗地人生
只合住湖州剡源句

温日鑑

津柳飄絲未放縣桃花浪擁缺瓜船收橈愛住中流島白鷺

飛來雪滿川

繡轂初停卷錦幘暫收春恨退眉尖林花看到櫻桃樹拗贈

蕭郎壓帽檐櫻桃出鳥程下徐
邨見嘉泰吳興志

雪白銀鱸出網初厨娘纖手試刀徐推舲笑指雙翻蜨解桞

唐人斫膾書紫桃軒襟綴茗上祝翁
家有唐人斫膾書一編

小院簾垂十二行春愁深鎖鬱金香朝來讀月居前過不見

風流謝五孃謝五孃明萬歷中湖州女子有讀月居草四面
簾垂碧玉鉤重重深院鎖春愁天涯行客無歸

信花落東風懶下樓其感懷絕句也姜夫人贈
詩云拂衰鬢金香風流小謝孃事具樊川叢話

陳經

蘭舟逐隊繞隄橫四面浮嵐撲翠迎碧落有情鷗聚處也教

蕭管鬧春聲無限滄波蓼自生有情
碧落鷗偏聚葉水心句

是處韶光刺眼新水如碧玉草如茵為憐采采蘋花老多少

洲邊拾翠人

晴湖如鏡照釵茸掩映眉山點騰濃好是校書陳小住低遮
團扇畫夫容

續本事詩吳興女子陳小住為朱十畫扇作竝頭蓮朱十集唐人句題之

小桃紅白倚東風一路吹香笑語中歸去更尋芳草外夕陽
相送莫匆匆

十放詩并敘

客從黃海來豔談囊雲之奇矐仙韻事流風未沫坐客聞之
咸思結屋鋪海之下仿雲齋日放一囊雲跨越陶宏景袞雲
之贈奚翅數倍憶前哲十放詩以雲為首因及其餘各賦十
詩以志息壤時同集覃思精舍嘉慶十九年閏月戊寅古越
王直淵書

放雲

陳鑾

獨立千峯頂攜囊散錦霞無心歸漠漠待族任紛紛遠水低
疏樹長天澹夕曛矐仙遺韻在持贈也怡君

王直淵

一縷隨囊散氤氳入杳冥橫披晴漢白倒映晚峯青雁翼迴
遙塞魚鱗襯遠汀漸歸元氣表舒卷豈勞形

温曰鑑

何處尋雲穴枝峯蔓壑間吸噓承石甃繚繞滿松關映日疏
疑密因風去復還誰云天路迴會見出塵寰

陳經

囊雲雲復散靄靄任西東收自千巖畔鋪來一室中碧紗明
窈窕香篆鬪璽瓏若向山窗出從龍上太空

放驢

陳鑾

曾寵廬山巖平原縱所之東風鳴得志夜雪憶題詩不作京
華困長違蜀棧危汝才皆令僕九錫復何辭

王直淵

縱爾除銜轡何勞騁九衢嘶風雙耳卓顧影一身癯劍術能
譚否巾箱共化無黔山差可樂慎勿狎於菟

溫曰鑑

秃尾休羈馮無爲戀舊恩湖山畱畫意歲月入詩痕細雨寒
沙路平蕪老樹邨何人譚黑白劍術不須論

陳經

老矣寬鞭策無因更覓驢谿橋殘雪後山店夕陽餘落落辭
塵援蕭蕭避豹車從今韜技藝敢道裏行如

放鶴

陳鑾

耳目寧堪玩翩翻振素衣山空丹竈冷野迥白雲稀警夜團
秋露鳴皋背夕暉遼東華表上千載始來歸

王直淵

軒墀非素志林壑本幽棲獨上青霄際孤鳴赤壁西閒雲心
共遠清露跡猶迷從此巢珠樹長教伴鳳兮

溫曰鑑

相彼仙人驥巢松已有年雪翎時整刷丹頂早通彖暮向緱
山去朝從碧落旋浮丘思故侶何日戲芝田

陳經

碧落將歸去昂藏上紫氛素衣思不見清暖悵空聞珠樹三

霄露瑤臺一片雲何當睫毛拔畱與照人羣

放鷹

陳鑾

哀壑孤光動橫空健翮驕九秋騰殺氣萬里薄雲霄妖鳥何
當擊樊籠豈可招誰憐神俊意曠野日蕭蕭

王直淵

萬里秋霄淨連山塞草黃疎身思攫搏掣臂劇飛揚曠野餘
寒日空林墮朔霜爭能元百中妖鳥豈能藏

温曰鑑

涼颿動天地霜爪厲鋒鋷側搶龍堆外高凌罽嶽尖虎彪皆
辟易鷗鶚失森嚴翻憶鞬條上稜威亦久潛

陳經

夙具凌霄志商颿決錦條九天俄電抹萬里瞥秋豪自許雄
心膽爭翰灑血毛回瞻百鳥逝振翮下晴皋

放牛

陳鑾

水郭平莎碧山邨野杏紅妨農休佩劔考牧早開宮曉色千
犁雨斜陽一遂風漢書誰挂角往事問英雄

王直淵

一碧晴川外田家散牧多聳肩時入塹浮鼻慣衝波柳蔭新
犁足松涼午飯過不教悲石爛扣角亦商歌

温曰鑑

刀劔年來賣邨鄰牧犢齊耕餘頻礪角飯罷任游蹠水漲沙
平岍煙凝草滿谿埽雅時立背遙見夕陽西

陳經

芳草連坡綠鳥捷掉尾嬉野煙平渡胃斜照入林遲未省聞
牢諷休歌敕勒詞遙邨橫遂起隱約見苗茨

放螢

陳鑾

晚霽涼如水宵深竹塢暝微輝明腐草急點誤流星澹月池
光白空階石氣青臺城尋故殿破瓦歎飄零

王直淵

竹館無人處清光數點流謝池圓舊夢隋苑憶前游細雨書
侵案微涼月上樓怪他劉太守餘燼絳囊收

温白鑑

秋意來庭際宵行故故斜星稀涵勺水雨冷弔叢筍莫誤黃
簾入曾收翠籠賒有情終不去長傍讀書家

陳經

小院星河夕流螢照夜涼
衰回簾柙底熠燿井闌旁
撲已迴紈扇盛應解練囊
只愁及秋律何以避清霜

放蜨

陳鑾

南園芳草綠遠夢石樓無飄泊
憐金粉風流號玉奴香詒韓
掾衰筇壓小滕圖苦憶如皋
令徵輸下急符

王直淵

粉翅翩翩去園林逐絮飛輕搖
九華扇慢曳五銖衣日午花
須妥風甜菜甲肥羅浮多舊
侶相勸莫忘歸

温白鑑

雪齋集卷之三
暫時雙翼斂 依舊探花游 老去棲香國 生來拜粉侯 休逢金
便面好 上玉搔頭 歸到吳宮近 芳魂一鄉留

陳經

斲卻丹青樹 翻飛故弄晴 繞籬防露重 過幔趁風輕 落絮如
尋夢 游絲可結盟 長教花裏活 只莫逐流鶯

放媛

陳鑾

秋浦吟秋月 巴兒好不忘 飲泉羣挂臂 嘯峽獨回腸 斷岸楓
林赤 空山粟葉黃 此中多妙境 信翕足倘佯

王直淵

乍許開金鎖 旋令繫玉環 建谿秋色老 巫峽暮雲閒 宿近青
楓樹 唬愁明月灣 巴西期再見 共醉石藤間

卷一